

07/2014 UDALEKO OSOKO BILKURA

2014KO IRAILAREN 29AN IZANDAKO OHIKO OSOKO BILKURAREN AKTA

BERTARATUTAKOAK:

ALKATEA:

Pedro M^a Estanga Lasa

ZINEGOTZIAK:

Izaskun Jáuregui Saizar
Aitor Gurrutxaga Aranzasti
Aratz Luisa Urkola
Maialen San Sebastian Kortajarena
Miren Josune Eizmendi Manterola
Mikel Ayerbe Gallurralde
Kepa De la Iglesia Sánchez
M^a Carmen Egurza Salaberria

IDAZKARIA:

Nekane Agirresarobe Etxeberria

Anoeta Hiriko udaletxean, 2014ko irailaren 29an arratsaldeko seiak direla, eta ondorio horretarako deia egin ondoren, Udaleko Ohiko Osoko Bilkura antolatu da, Pedro M^a Estanga Lasa Alkate jaunaren Lehendakaritzapean eta alboan adierazitako zinegotziekin; eta Nekane Agirresarobe Etxeberria andrea, Idazkari lanetan aritu naiz.

1.- 2014KO UZTAILAREN 28AN OSPATURIKO AKTA ONESTEKO PROPOSAMENA.

2014ko uztailaren 28an ospaturiko akta irakurri eta aho batez onartuak izan dira.

2.- EBAZPENEN BERRI EMATEA, 2014KO UZTAILAREN 16TIK IRAILAREN 12A BITARTE, 345 ZENBAKITIK 416 ZENBAKIRA, BIAK BARNE.

2014ko uztailaren 16tik irailaren 12a bitarte, 345 zenbakitik 416 zenbakira biak barne, bitartean izaniko ebazpenen berri ematen du alkate jaunak, Korporakideek jakinaren gain geratuz.

EAJ/PNV talde politikoko zinegotzia den Kepa De la Iglesia Sanchez jaunak 402 dekretuarengatik galdetzen du. Bertan, 28 Kanalari ez zaio diru-laguntzarik eman eta zergaitia galdetzen du.

Alkate jaunak erantzuten du lehen Udalak banakako diru-laguntzak ematen zituela komunikabideei, hala nola, Txolarre Irratia... Ondoren, proiektu bat egin da non udal komunikabide guztiak sartu diren. Hasiera batean 28 Kanala proiektu hori gauzatzeko lanetan

parte hartu zuen bertan egoteko asmoarekin, baina inongo argibiderik eman gabe, azken orduan ateratzea erabaki du.

3.- “ALKATEEN AUKERAKETA ZUZENERAKO” MOZIOA.

Bildu taldeko zinegotzia den Maialen San Sebastian Kortajarena andreak, “Alkateen aukeraketa zuzeneko” ondorengo mozioa irakurtzen du:

“ALKATEEN AUKERAKETA ZUZENERAKO PROPOSAMENAREN AURREAN.- MOZIOA.- Herritarrengandik gertuena dauden instituzioak izanik, Udalen jarduera ireki, zabal eta demokratikoan sakontzea, eguneroko ariketa izan beharko litzateke. Hauteskunderen aurretik, egunean bertan eta ondoren ere, Udalek herritarren borondatearen ispilu izan behar dute. Aldi berean, gainerako interes partidista, ekonomiko eta finantzieroren gainetik, herritarrenganako zerbitzua eta konpromisoa izango dira etengabe, Udal politika ezaugarrituko duten adierazleak.

Baina gure Udalek aurrekinik gabeko erasoak jaso izan dituzte azken urteetan. Europatik proposatu eta Madriletik inpostu dituzten murrizketen gauzapearen bidez, ahalmen politikoak eta ekonomikoak erabat mugatu zaizkie Udalei, lehendik larria zen egoera, oraindik ere larriago bilakatuz. Madriletik inposatu nahi izan zaizkigun neurri horiek guztiek, udalen autonomia suntsitzeaz gain, Udalen eskuetan dauden baliabideak esku pribatuetara bideratzeko ate guztiak irekitzen saiatu dira. Eremu publikoa eta herritarra ahulduz eta era berean eremu pribatuan mugitzen diren entrepesak indartuz. Azken urteetako udalen jarduera erdua, berez ahula izanik ere, errotik okerrera aldatu nai izan da Madrilgo Gobernutik.

Behin eta berriz, Hego Euskal Herriko instituzio guztiek, udalen autonomia indartzearen beharra eta udalak herritarrengana gerturatzeko neurriak aldarrikatu arren, Madriletik entzungor egin zaigu eta inposaketarekin erantzun zaigu.

Azken urte hauetan neurri hauek bultzatu eta udalen eskumen politikoak murriztu dituen PP alderdia, alkatearen aukeraketa zuzenerako proposamen batekin datorrigu. Oraindik osotasunean ezagutzen ez baldin bada ere alkatea zuzenean zerrendarik bozkatuenerako zerrendaburu izendatzeko proposamena jarri da mahiaren gainean. Udal hauteskunderetarako hilabete gutxi falta diren honetan, nagusiki PP-ren alderdi interesei erantzuten dien proposamen baten aurrean gaude. PP-k ohikoa duen bezala eta beste behin ere, inoren iritziari kasurik egin gabe (eta bereziki Euskal Herriko udal eta toki erakundeetatik egiten diren aldarrikapenei kasurik egin gabe) ari da urratsak ematen. Bere interes politiko alderdikoi eta zentralistak inposatu nahi ditu gure udaletan, herritarren gehiengoaren iritzia alde batera utzita. Alkatetza eta Udal Gobernuak, herritarren gehiengoaren borondatea ordezkatu behar dute. Alkatearen erreferentzia garrantzitsua da, baina ez eredu presidentzialista baten arduradun gisa, herritarren gehiengoaren ordezkari gisa baizik.

Hauteskunde Legearen aldaketa sakon bat behar dela uste dugu. Baina ez alderdi bataren edo bestearen interesak defendatzeko, baizik eta Euskal Herritarrok gure udal eta instituzio egitura nolakoa izan behar duen erabakitzeak aukera izateko. Gure udaletan demokraziari ateak irekitzeko, jarrera presidentzialista eta autoritarioak alde batetara uzteko eta herritarren hitzak udaletan zuzenean indarra izan dezan. PP-k aurkeztu duen proposamenaren kontrako norabidean egin behar dira aldaketak.

Hau guztia kontutan izanik, Anoetako Udalak, honako puntu hauek onartzen ditu:

1.- Udal honek, Madrilgo Gobernutik PP-k alkatea zuzenean zerrendarik bozkaturiko zerrendaburua izendatzeko burutu nahi duen Lege Aldaketaren aurkako jarrera adierazten du. Udal eta herritarren

interesen gaintik, PPren alderdi interesei erantzuten dielako. Norabide horretan, udal honek, interes alderdikoiek sustaturiko Hauteskunde Legearen edozein aldebarreko aldaketa erresufatzen du.

2.- Udal honek, Euskal Herriko udal eta toki entitaten borondatea errespetatu eta gure egitura instituzionala inposaketa eta murrizketarik gabe, Euskal Herritarren beharren arabera antolatzeke eskubidea aldarrikatu nahi du.

3.- Udal honek, bere jardueran herritarren partehartzea eta demokrazia zuzenerako tresnak martxan jartzeko konpromisoa hartzen du, udalaren osaketan ezezik udaleko erabaki garrantzitsuenen aurrean ere.

4.- Udal honek, ebazpen honen berri, herritarrei eta Madrilgo Gobernuari emateko erabakia hartzen du.

Euskal Herrian, 2014ko irailean”.

Eztabaida baten ondoren, alkateak aipaturiko mozioa bozketara eraman du ondorengo emaitza lortuz:

- ALDEKO BOTUAK: **ZAZPI** (Bildu talde politikoa)
- AURKAKO BOTUAK: **BAT ERE EZ**
- ABSTENTZIOAK: **BI** (EAJ talde politikoa)

Bozketaren emaitza ikusi ondoren, “Alkateen aukeraketa zuzenerako” mozioa onesten da.

4.- “KUTXABANK” MOZIOA

Bildu taldeko zinegotzia den Aratz Luisa Urkola jaunak, “Kutxabank” mozioa irakurtzen du:

“Ia 150 urte inguru pasatu dira Donostiako (Bilbo, Gasteiz...) Udalak eta Gipuzkoako (Araba, Bizkaia...) Aldundiak Caja de Ahorros de San Sebastian eta Caja de Ahorros de Gipuzkoa sortu zituztenetik. Zalantzarik ez dago, eta historiari errepaso txiki bat ematea nahikoa litzateke, kutxa horiek sortu zirenean, hasieratik, funtzio publiko eta sozial bat betetzeko sortu zirela.

Funtsean, honokoa zen aipaturiko helburu eta funtzio publiko eta soziala: bertako herritarren aurrezkiak, bertan inbertituak izateko apustua bermatzea. Horretarako, herritarrei eta familiei finantza-zerbitzua eskaini, bertako enpresari txikiei finantziarioa bermatu, udalen finantziario eta inbertsioetan lagundu, bertako ekonomiarentzat estrategikoak izan daitezkeen proiektuak bultzatu eta hori gutxi balitz, lortutako etekinak gizarte-ekintzan inbertitzea izan dute kutxek urteetan helburu.

Une honetan ordea, erraz esan dezakegu kutxen bategitetik sortu den Kutxabanken ildo ez dela bertako herritarrei eta ekonomiari begirako funtzio publiko eta soziala betetzen ari. Aitzitik, negozio hutsa eta bidegabea da besterik gabe bultzatzen ari dena. Hori gutxi balitz, kutxak banku-fundazio bihurtzeko hautuarekin, kontrol publiko eta soziala murriztuko da eta jada iragarri den pribatizazioaren bideari ateak ireki dakizkioke, aipaturiko funtzio publiko eta sozial hori behin betirako desagerraraziz.

Historikoki bete duten funtzioagatik, zein egungo egoera ekonomiko zailean bete beharko luketen funtzioagatik, garrantzitsua da oso bestelako norabidean doan bide berri bati ekitea eta hortxe kokatzen ditugu hain zuzen Gipuzkoako Foru Aldundiak aurkeztu duen proposamenaren helburuak. Horrela diote hitzez hitz:

- 1.- “Gipuzkoako Foru Aldundiak, Kutxaren izaera publiko eta soziala bermatzea du lehen helburu.
- 2.- Gipuzkoako Foru Aldundiak, izaera publiko eta sozial horren bidez, entitate fundatzaileek hasieratik finkatutako helburuak berreskuratu nahi ditu XXI. Mendeko Euskal Herrira egokitutako Kutxabank eta kutxen izaera eta helburuak bermatuz.
- 3.- Bizi dugun krisi ekonomiko latz honetatik ateratzeko eta Gipuzkoa eta Euskal Herri Berria eraikitzeko finantza-tresna publiko eta soziala izatea.
- 4.- Bertako ekonomia errearen mesedetan arituko den finantza-entitatea izatea eta herri zein eskualdeetako errealitate sozialarekin eta ekonomikoekin lotuta egotea, izan daitezkeen behar ekonomikoekin lotuta egotea, izan daitezkeen behar ekonomiko eta sozialen aldeko inbertsioak eginez:
 - * Bertako autonomoi, merkatariei, enpresari txikiei eta kooperatibistei finantziarioa bermatzea.
 - * Udalei aurrekusi ditzaketen inbertsioei begira, finantza-baliabideak eskaintzea.
 - * Kutxen sorreran egon zen langileekiko eta familiekiko begirunea berreskuratzea eta etxe-kaleratzeak edota IRPH bezalako jarduerekin amaitzea eta familiek dituzten finantza beharretarako eskaintza eraginkor eta justua eskaintzea.
 - * Oro har, herriz herri hedatua egongo den finantza entitatea izatea. Kalitatezko zerbitzua eskaintzeko etengabeko konpromisoa izango duena, bai langile kopuru eta bitartekoen ikuspuntutik zein zerbitzuaren kalitate edota euskararen erabilpenarengatik ere.
 - * Sorreratik hain garrantzitsua izan den gizarte-ekintzarekiko konpromisoak berrestea eta betetzea eta gizarte-ekintzak XXI. Mendean bete behar duen papera denon artean berraztertzea eta garatzea”.

Kutxa banku-fundazio batean ez bihurtzeko (Bizkaia eta Araban, banku-fundazio izateari uzteko) eta aipatu helburu horien norabidean arituko diren kutzak eta Kutxabanken finantza-ildo eraberritu bat bermatzeko, Gipuzkoako Foru Aldundiak akzioen eskualdatze-prozesu bat proposatu du, hain zuzen ere, izaera publiko eta soziala ahalbideratzen duen aukera erreal, legal eta eraginkor gisa.

Hori guztia kontutan hartuta, Anoetako Udalak honoko erabakiak hartzen ditu:

- 1.- Anoetako Udalak herritarren, familien eta bertako ekonomiaren mesedetan arituko den Kutxabanken finantza-ildo eraberritu bat aldarrikatu nahi du.
- 2.- Anoetako Udalak Kutxaren (GIPUZKOAN) eta Kutxabanken izaera publiko eta soziala bermatzeko beharrezkoak diren neurri eta erabakiak hartzeko borondate eta prestutasun irmoa du.
- 3.- Norabide horretan, Anoetako Udalak Kutxako (GIPUZKOAN) batzarrari eskatzen dio Gipuzkoako Foru Aldundiak proposatu duen eskualdatze-prozesu hori martxan jar dezala, Gipuzkoako Kutxa banku-fundazioa bihurtu ez dadin eta herritarren eta bertako instituzioen izaera publiko eta soziala bermatzen jarraitu ahal izateko”.

Eztabaida baten ondoren, alkateak aipaturiko mozioa bozketara eraman du ondorengo emaitza lortuz:

- ALDEKO BOTUAK: **ZAZPI** (Bildu talde politikoa)
- AURKAKO BOTUAK: **BAT ERE EZ**
- ABSTENTZIOAK: **BI** (EAJ talde politikoa)

Bozketaren emaitza ikusi ondoren, “Kutxabank” mozioa onesten da.

5.- GALDE-ERREGUAK

Galde-Erregu tartean EAJ taldeko bozeramailea den Kepa De La Iglesia Sanchez jaunak galdetzen du ea zergaitik behin eta berriz “Udalaren domeinua-eus” mozioa ez den gai-zerrendan azaltzen.

Alkate jaunak erantzun du ez duela inolako arrazoi berezirik, gai-zerrenda egiteko garaian ez zela gai pendientetan ageri eta horregatik ez zuela sartu; aipaturiko mozioari buruz informatzea konprometitzen delarik.

Eta beste aztergairik ezean, Alkate Jaunak amaitutzat eman du bilkura, arratsaldeko seiak eta laurden direnean; guzti honetaz, nik Idazkariak, fede ematen dudalarik.